

IN SOLENNI
STVDIORVM ROMANÆ SAPIENTIÆ
INSTAVRATIONE,

O R A T I O

IACOBI ALBANI

GIBBESII,

BRIT. M. D.

publici Eloquentiæ Professoris;

HABITA

IN AEDE D. EVSTACHII

XV. Kal. Nouembr. M. D C. LVII.



ROMAE,


Ex Typographia Iacobi Dragondelli, M. D C. LVII.

SUPERIORVM PERMISSV.

Imprimatur, Si videbitur Reuer. Pat. Mag. Sac. Pal. Apost.

M. A. Oddus Vicefg.

Imprimatur,
Fr. Raimundus Capisuccus Sac. Pal. Apostolici Magist.
Ord. Præd.



EMINENTISSIMO³

AC REVERENDISSIMO

PRINCIPI

IVLIO CARDINALI
ROSPIGLIOSIO.

SECRETIORI SCRINIO PONTIFICIS MAX.
PRAEFECTO.



IACOBVS ALBANVS GIBBESIVS, S. P. D.



IBI verò, IVLI ROSPIGLIOSI,
præstantissime Cardinalis, mihi
nupèr ab ALEXANDRO,
PONT. MAX. eorum operum
humaniorum in vtraque lingua,
quæ ipsius immortalitati nomi-
nis vovi me consecraturum, cen-
sori imposto, perbenignoquè
comprobatori, nouam huius accessionem Orationis
dedico nominatim; quò publicè modò dictam in
summa frequentia totius Urbis, eandem orbis luce
vniuersi dignam itidèm, vt illa prima, suffragatorio
puncto iudices, atquè decernas. Rem tuam permitte
dici tantum, non vereor, nè cæteræ gentes, ac na-
tiones omnes, quæ vbiquè sunt, non eam cupidissi-
mè complectantur.

A 2

Nosti

Noſti illud , *Sum Caſaris* : feræ domini gratia habitus paſſim honos erat ; non par , aut maior profectò manſuetæ Muſæ , hoc eſt , ſoboli qualiſcunque ingenij , cuius in fronte nomen inuſtum cernitur *Iulij* , deferetur ? Ità nimirum gemini ſunt *Cæſar* & *Iulius* , vt coaleſcant plerumquè in vnum , vel promiſcuè (quod eſt proximum) alterius vice ſumatur alter . Parui refert enim uerò Heròum nomine appellari , niſi magnis id virtutibus , ac rebus præclare geſtis illuſtretur . In te quin hæc conueniant excellenter , nemo dubitabit , qui vitæ partem vllam tuæ reſpexerit vel inter viros principes , vel difficillimis in negotijs , iſdemquè grauiffimis , ac celerrimè ſemper feliciffimequè euolutis , cum amore omnium & admiratione traductæ . Ecquidnam humile aut exiguum , & non altum , non excelſum , non grande , non magnificum , non diuinum agere aut cogitare credemus eum , qui per diu verſitus eſt in conſuetudine , penè dixi familiaritate *Philippi Magni* , hodiequè viuit vnus ex domesticis intimis , atquè purpuratis *Maximi Alexandri* ? Fierinè poteſt , hoc vt uſu , & propiore tactu , verità loquar , Maieſtatis , elationem quandam animi , planequè regios non hauſerit ſpiritus ? Hauſit quidem certè . Vt qui in Sole ambulat , eius radij ſtingitur & coloratur , ſic reges quiſquis tractet , qui ſunt ipſi orbis terræ maiora lumina , cùm ſe paululùm admouit , neſcio quo repente iactu is afflatur ſerenitatis .

Vidi poſt Mutinenſem reuerſionem meam hæc in tè ſingularia merita iam tùm quaſi iacta ſecutæ ampli-

plitudinis tuæ fundamenta : vidi, inquam, tequè adeò
 suspexi, semperquè deinceps omni officij ac studiij ge-
 nere colui. Nec me tu minùs, quæ tua est incredibilis
 lenitas atquè clementia, receptum in fidem omni ho-
 nore & commendatione cumulasti. Hæret profectò,
 semperquè hærebit cordi penitùs meo atquè memoriæ
 infixæ festina illa gaudiij significatio, qua mihi per no-
 bilem vnum affectatorem comitatus tui, de suggesto
Romana Academia ab optimo Pontifice meis humeris,
 credo equidem, tuæ interpositione operæ, imposito,
 eodem es amantissimè die gratulatus. Quo etiam no-
 mine, cum tantum beneficium severis, abs me repetere
 sermonem istum inter primitias pro tuo iure, tanquàm
 fructum & præmium, omninò debes. Vale.

ROMÆ, Ex ædibus Eminentiss. Princ. *Bernardini*
 Card. SPADAE.



L. Annæus Seneca Epist. 6.

*Ego verò cupio omnia, quæ scio, in alium trans-
fundere; & in hoc gaudeo aliquid discere, ut
doceam: nec me vlla res delectabit, licet sit
eximia & salutaris, quam mihi vni sciturus
sim. Si cum hac exceptione detur*

*SAPIENTIA,
ut illam inclusam teneam, nec
enunciem, reijciam. Nullius
boni sine socio incunda
est possessio.*

ORAT.



ORATIO.



SCITVM est, idquè non tam gra-
uissimorum philosophorum, qui na-
turam penitus omnem, eiusquè nu-
tus singulos inspexère, testimonio,
quàm ipsâ cuiusq; quotidianâ expe-
rientiâ, vsuquè priuato confirmatum,
quantùm homines ratione præstant
belluis, imò hac quasi notâ à reli-
quis animantibus differunt, tantùm eosdem anteire ho-
minibus ipsis orationis facultate. Orationem cùm dico,
non eam dico vim eloquendi fusam & copiosam, & om-
nibus exquisitissimis verbis, argutissimisquè sententijs
ornatam, eaque re artem, quæ Rhetorica dicitur, separa-
tim per sese constituentem, (de hac enim dabitur alibi
commodior differendi locus, nè sacrâ in æde, communi
celebritate collegarum atquè solenni, præsentibus vo-
bis, Patres amplissimi, sapientissimi Doctores, Audito-
res etiam nobilitate atquè eruditione clarissimi, in re-
gno videar meo proprio velle triumphare) sed opem aio
linguæ illam cum mente coniunctam, quæ ad ceteras ar-
tes siuè scientias orbis literarij totius explicandas non
secùs adhærescit, ac lux ad Solem, ad virtutem gloria.
Modum quippè certum quendam sermonis & præcipuū

amant disciplinæ, pro requæ subiectâ vnicuique varium, summum, medium, infimum, prout sunt ipsæ diuersæ singulæ, sursumquæ feruntur aut deorsum: quemadmodum faciendum nobis in familiaribus officijs, in legibus, in historiâ, in disputationibus, in decretis, asperius in iudicando, in deliberando tractius, magnificentius in exornando, dum aut loquimur, aut scribimus, egregij præcepere dicendi magistri. Quid ergo? intra facultatis extremos vel oratoriæ vel poëticæ fines dissimili stylo, totoquæ alio dictionis genere vti licet, pro humilitate & granditate materiæ, quam tractandam suscepimus, in partitione & diuortio scientiarum longè disparilium non licebit? Nequæ verò mihi dicat hîc aliquis, dialecticorum captiones ambiguas, & Stoicorum dumeta, qui contortulis quibusdam & minutis conclusiunculis, velût spinis & pugionibus aduersarios pungunt, Rhetoricis pigmentis & flosculis distincta commendari pulchrius: nam hoc quidem est ridiculum, Logicæ eam, aut Physicæ ampliùs putare, quæ proprijs egressa cancellis pedem, posuit in possessionem alienam; est enim vtræque iam perfuga, in castra sc. Rhetoricæ coniecit, ius amisit, nomen induit, erasit suum.

Vultis, quid his tribus conueniat sigillatim, & in quo præcipuè discrepent, exponam? Faciam perlibenter, Auditores, vt adductâ ex bonis authoribus notatione aliquâ, de alijs sectis rationibusquæ studiorum quid sit statuendum, existimare possitis. Ac Zenon quidem, inuentor ille & princeps Stoicorum, duos parietes de eadem fideliâ, quod aiunt; cùm figurâ solius manus dialecticam, & eloquentiam describebat. Quo id modo tandem? hanc palmæ, illam pugno similem esse commonstrans: quod, qui vni dabant operam, latius loquerentur, qui alteri, compressius, vt explicat assensor ei pedarius, Tullius noster. Nec ab hac
sen-

sententiâ quidquam abhorrere Aristotëlem video, summum præceptorem, qui in vestibulo artis Rhetoricæ scribit affirmatè, illam artem quasi ex alterâ parte respondere differendi scientiæ: hoc vt intersit tamen inter utrâque, quodd illâ videlicet ratio dicendi latior sit, hæc verò contractior disputandi. Veniamus nunc ad tertiam, quæ tot olim exstitit familiarum parens dissentientium inter se, eorum, quos iam dixi, Stoicorum, tum Peripateticorum, Academicorum veterum & novorum, Epicureorum, Pyrrhonorum, Cynicorum, (nam speculatores insecuti temporis, maximequæ nostri, nolo attingere) tot laudatam nominibus, sed re parum semper intellectam, Philosophiam. Vt quod de Pythiâ sacerdote, virgine regiâ, poëta cecinit,

———— fatis aperit Casandra futuris
Ora, Dei iussu, non unquam credita ————

id ad hanc, omnium dominam virtutum, sapientiæ reginam, donum inuentumquæ Cœlestium, videar merito posse iure, patronis istis & defensoribus, accommodare. Optimè siquidem ponebant illi vniuersè, naturâ solâ duces; at, cum serè maiorem partem pessimè assumerent, pessimè quoquæ colligebant. Quare cum & pugnantia, & malè compacta, nequæ consistentia ex incertis principijs & vacillantibus plurima exclusissent potius, quàm conclusissent (quid autem expectari magnoperè aliud à factiosis hominibus poterat, nè minimo quidem puræ theologiæ radio illustratis, è quâ, tanquam è silice, lumen illud excutiendū erat, quod Deo non mentiente, ac reuelâte nixum, omnem pelleret dubitationem?) ex talibus, inquam, principijs, tam infirmis, tam obscuris, fœda illa ignoratio veri *πολυχιδής, πολυπρόμων, ἐπερλοδοκαλῦσα*; (quemadmodum præclarè vocat Christianæ Religionis Græcus antistes) hoc est, multifariam scissa, ac plurimum mater opinionum, atquæ aliena, & extranea docens, emana-

na-

nauit, mundumquè secum eadem raptum caligine miscuit & inuoluit, quæ non partum veritatis, sed erroris abortum, ac peruersissima monstra satu quodam Ixioneo produxit.

Verùm dùm errores aliorum reprehendo, vehementer timeo, nè reprehendendus ipse sim: aberrauit ego à proposito longius. Illuc igitur iam, vndè nescio quo pacto digressi sumus, redeamus ad eam, quæ in physicis ponebatur, tertiam differentiam. Sicuti primas duas de magnorum artificum sententiâ probatum est in breuitate & copiâ esse sitas, sic non erit, opinor, difficile, simili fide, hanc fundare scientiam in subtilitate. Atquè vt ambiguitas primùm amoueat, videre oportet, quid sonet hæc vox subtilitatis, & huic verbo, cùm philosophum subtilem appellamus, quamnam subiecta intelligatur notio. M. T. Cicero harum rerum, si quis alius, author planè sciēs & locuples, in libris de Finibus alicubi sic definit: Vt ea, sit limitata quædam (non limata, quod multi hætenus, vt obiter id etiam admoneam, perperam legerunt) & rerum tenuitas, & verborum. Si tenuitas, releatur continud rhetorum profusa luxuries, & vbertas; si limitata, nõ igitur de omnibus, quæcunq; in disceptationem cadere possunt, profiteri philosophus debet, vt orator, se dicturum: cui subiectam soli materiam non modò eloquentiæ præstantissimi doctores idem Cicero, & Fabius Quintilianus, sed philosophorū etiam facile principes Plato, & Aristoteles concessere quæstionem. Nàm si locutus est ornatiùs, sicuti fertur, physicus ille Democritus; aut scripsit aliquis disertius, quod editis de naturâ rerum poematibus egregijs fecisse laudantur Empedocles, atquè Lucretius; argumentum esto illud physicorū sanè rotum, per me licet, non repugno; id contendo, voloquè pervincere, cultum omnem, & ornatum putandum esse oratorum. Ex quo profectò liquet manifestè, indagatores

na-

naturæ; itemquæ artium cultores ceterarum, rebus contentos fucum laciniasquæ verborum laud multum ambitiosè quærere, his adhibitis etiam esse plerumquæ de veritate suspectos, sequè intra præscriptum suæ cuiusque facultatis cû laude singulos continere; at verò qui rectè, atquæ ex dignitate nomen eloquentis tueri volet, cum definitam regionè habere nullam, cuius terminis circumsæptus includatur, sed omnes omnium completi scientias, & inuadere fundos ingeniorum oportere, in quibus iactare scipse, quotiescunquæ vel voluntas, vel occasio tulerit, frequenti magnificè populo, atquæ admirabiliter possit.

Animaduerti dudum ex vultu multorû vestrûm, Auditores, supercilioquæ aut ad frontem immodicè reducto, aut austerè contracto, aut ad mentum grauius demisso, deniquè ex agitatione corporis, ac distortionè istâ membrorum ab interno, credo equidè, animi sensu, atquæ iudicio profectâ, ex quo cœpi facere collationem, disciplinasquæ non re magis separavi, quàm sermone, me tacito quodam conuitio vestrarum aurium verberari. Fregi fidem, nihil me de rhetoricæ laudibus pollicitus initiò locuturum: quas ostentaui nunc gloriosius etiam fortassis ad inuidiam. Quid enim? irruit mihi statim in oculos eruditus pulvis celeberrimi gymnasi vestri, atquæ collegij, cunctaquæ cû exedris subsellia quadrato agmine insurgunt, & occurrunt: quid? tibi deserto soli esse licet in orchestrâ, nos, animæ viles, & miseri homunculi de fæce Romuli, vix è caucâ caput attollemus? quid? tu vnus inter omnes (si Deo placeat) in scenâ Roscius gestum ages, reliqui sedebunt daturi plausum spectatores? Dubitabâ herclè, quod euenisse video, valdèquæ verebar, Auditores, vt ea, quæ protuli, non perindè intelligi auditu possent, atquæ ego cogitans mecum primum ipse designarâ. Nunquàm animum induxi, nè leuissimo quidem flexu volun-

luntatis (opinionem de me istam, si fortè suscepistis, quā-
primū, quaeso, cum errore deponite) quorum confessus
grauitatem in hac arce terrarum omnium semper susce-
xi; consilij prudentiam in omnem partem colui; literarum
amplitudinem miratus sum, comprehensionem scientia-
rum insuper, atque præceptionem veneratus, vt vos vs-
que quaque doctissimos, graduque laudis quolibet, hono-
ris, præmij, gloriæ dignissimos non putarem. Si artes
ego ingenuas, ac liberales disciplinas, quas profite mini
singuli, quasque maiores nostri scholas in totidem tribue-
runt sapientissimi viri, in magno illo doctrine circulo se-
creui locis, quasi radijs diuaricantibus à centro & formā-
tibus ambitum, non est profectò, cūr doleatis. Id ægrè
potius ferre debuissetis, si tentassẽ easdem confudere,
quò minùs suo quæque lumine, ac globo proprio resplen-
deret; veltuti stellas nobiles plurimas permiscuerunt, qui
Viam lacteam ostenderunt. Habet vnusquisque vestrum
absq; aucupio verborū (non quin eā quoque in parte va-
leatis plurimū, sed personę, quam induistis, seruiendum
est) & sine externæ subsidio facultatis, campum mate-
riæ latissimum, vndè cursus arripiatur ad certam glo-
riam.

Agè sanè, breue aliquod & illustre præconium, animi
causā, producamus iam in fine, tanquā Insigne singulo-
rum. Tu gloriare, Mathematicæ, vermiculato Platonis
emblemate, quod in Academiæ limine præfixum erat,
ἡ δὲ ἀγνομήνη ὁ σισύτης, *Expers ingrediatur nemo*. Tu,
Iurisconsulte, inflexibilem Polycleti præfer normam, &
inscribe vetus illud; *πάντα ὅρῃς*, *Ad lancem omnia*. Tu
decretum diuinum ostenta, Medice, humanæ fastigium
ambitionis, quod Hebręis primò dictum, quanquā Græ-
cè item, vti alia, efferre possem, nè tamen Lucilij sannam
audiam,

At

At magnum fecit, quòd verbis Græca Latinis

Miscuit —————

malo Latinè, *Honora Medicum*. Tu præceptum inculca, Physice, mortalium generi commodissimum, siuè Chilonis, siuè Thaletis, certè Apollinis oraculo tributum, *Noſce teipſum*. Tu, Theologe, auctore Biante (nàm vndè melius, quàm à Sapientibus, qui fuère de ſeptem, huiusmodi lemmata capiamus?) *Diſce ac doce Deum eſſe*. Tu Græcæ, tu Hebraicæ & Chaldeæ, tu Arabicæ, tu etiam Romanæ (nequè enim eximi me volo) linguarum Interpretes, conuenite in hoc omnes, quod Anacharſis inter Scythas mirabiliter ac diuinè pronunciauit, *Optimam linguam eſſe bonam*.

Ità, quæ de omni arte, & doctrinâ liberali, pro tenuitate iudicij, atquè ingenij mei, expromere habui, tam exiguo præſertim ad dicendum conſeſſo tempore, vos pro lenitate, ac tolerantia veſtrâ humaniter, Auditores, accepiſtis. Quarè gratias etiam habere & agere debeo, quas poſſum maximas, & ſingulares. Reſtat nunc, eum vt locum pauciſſimis verbis perſtringam, in quo dilatando, atq; exaggerando illi ſemper, qui quotannis ante me dicere ſoliti ſunt, totos fontes eloquentiæ profuderunt, vt præceptores ſcilicet ad institutionem ſequentis anni cohorter diligenter, ac diſcipulos inflammem ad ſtudi- di, atquè auſcultandi aſſiduitatem. Illud apud Collegas meos, nauos, & nobiles, & probos homines, attingere duco neſas, qui cùm charitatem proximorum, vrbisque ſplendorem huius, & propagationem ſue famæ mente vnicè cõrehendant, tum ad id *ALEXANDRI* Pontificis propenſione, iteratiſſimi ac munificentiffimi Principis, & *Flauj Chijj* purpurato patrociniò, & tuâ, *Carole Carthari*, ſtudiorum Moderator, curâ vigilanti, vel maximè impelluntur: hoc nequè attinet, eſtquè ſuperuacaneum veſtris auribus, Optimi Adoleſcentes, infercire, quando
& in-

& ingenium à naturâ tantum, & magistros à fortunâ tam præstantes nacti estis, ut sponte vestrâ magnis ad eam laudem passibus non solum deuincendi ceteros homines oratione, quod principio posui, verum etiam Superos ipsos vi rationis adæquandi, contendatis.

D I X I.



FLA-



FLAVIO CHISIO,

S. R. E.

CARDINALI AMPLISSIMO.

Romanæ tutelam Academiæ ipsi à Patruo, Sum. Pont.
commendatam SAPIENTIA (id enim Gyn-
nasio nomen est) immortaliter gaudens gratulatur.

ODE

EIVSDEM I. A. GIBBESII.



ROMANVS merito cùm Pater adderet
Post ostrina Tyri vellera FLAVIO
Docti regna Lycei;
Centum plausibus artium

De cælo resonis, vox SAPIENTIÆ
Audita est iuueni. Macte nouis, noue
Rex, virtutibus esto,

Et factis Patrum refer.
Non Cyri studio, aut Herculis indoli
Posthac inuideas; se vitij via
Nunquam flexit inerssem,

Tu clarum sequeris decus.
His altum gradibus iam Capitolium,
His quondam rutilum moribus athera
Scandes victor, amantum
Inter vota Quiritium.

At

At serò! genibus numina flagitant
Curus: ò potius tutor ames dñi
Cum Pastore supremo
Spectari cupidi gregis!
Hic, hic sollicito ut Mercurij inbar
Affulge populo: Sol micat aureus;
Curram Solis at ille
Indiuifus agit comes.
Magnus, fac, roseo pastor Apollini
Stellarum similis motibus imperet:
Terra te globus ima,
Felicesquè vicarium
Prauisis homines ritè negotijs
Agnoscant dominum. Quis bona mentibus
Largiri valet aquè,
Aut defendere munera?
Nostras ò igitur respice porticus,
Et deuota sonè pectora Palladi,
Vt, te præsida, Roma
Paciles habeat Sophos.

F I N I S.

At serò! genibus numina flagitant

Curus: ò potiùs tutor ames dñi

Cum Pastore supremo

Spectari cupidi gregis!

Hic, hic sollicito ut Mercurij iubar

Affulge populo: Sol micat aureus;

Currum Solis at ille

Indiuifus agit comes.

Magnus, fac, roseo pastor Apollini

Stellarum similis motibus imperet:

Terra te globus ima,

Felicesquè vicarium

Prouisis homines ritè negotijs

Agnoscant dominum. Quis bona mentibus

Largiri valet aquè,

Aut defendere munera?

Nostrat ò igitur respice porticus,

Et deuota sonè pectora Palladi,

Vt, te præsede, Roma

Paciles habeat Sophos.

F I N I S.

At serò! genibus numina flagitant

Curv's: ò potiùs tutor ames dñi

Cum Pastore supremo

Spectari cupidi gregis!

Hic, hic sollicito ut Mercurij iubar

Affulge populo: Sol micat aureus;

Currum Solis at ille

Indivisus agit comes.

Magnus, fac, roseo pastor Apollini

Stellarum similis motibus imperet:

Terra te globus ima,

Felicesquè vicarium

Prouisis homines ritè negotijs

Agnoscant dominum. Quis bona mentibus

Largiri valet aquè,

Aut defendere munera?

Nostras ò igitur respice porticus,

Et denota sonè pectora Palladi,

Vt, te præsede, Roma

Paciles habeat Sophos.

F I N I S.

At serò! genibus numina flagitant

Curus: ò potiùs tutor ames diu

Cum Pastore supremo

Spectari cupidi gregis!

Hic, hic sollicito ut Mercurij iubar

Affulge populo: Sol micat aureus;

Currum Solis at ille

Indiuifus agit comes.

Magnus, fac, roseo pastor Apollini

Stellarum similis motibus imperet:

Terra te globus ima,

Felicesquè vicarium

Prouisus homines ritè negotijs

Agnoscant dominum. Quis bona mentibus

Largiri valet aquè,

Aut defendere munera?

Nostras òigitur respice porticus,

Et deuota fouè pectora Palladi,

Vt, te præsido, Roma

Paciles habeat Sophos.

F I N I S.